

## **PRIJEDLOG**

Na osnovu člana 8. stav 4. Zakona o komunalnim djelatnostima („Službene novine Zeničko-dobojskog kantona“ 17/08), a u vezi sa članom 5. Odluke o organizovanju Komunalnog javnog društva d.o.o. Maglaj broj: 02-05-1-1019/08 od 30.06.2008. godine i člana 18. Statuta Općine Maglaj („Službene novine Općine Maglaj“ broj 8/07, 3/08 i 6/08), Općinsko vijeće Općine Maglaj na sjednici održanoj dana \_\_\_\_\_ 2020. godine, d o n o s i

### **O D L U K U**

#### **o upravljanju izgrađenim objektom dijela primarne vodovodne mreže za dio naselja Misurići, Općina Maglaj**

##### **Član 1.**

Ovom Odlukom odobrava se upravljanje izgrađenim objektom dijela primarne vodovodne mreže za vodosnabdijevanje dijela naselja Misurići, Općina Maglaj, sa priključkom na gradsku vodovodnu mrežu, Komunalnom javnom društvu Maglaj, za koji je izdato odobrenje za upotrebu broj: 05-23-5-1435/19 od 26.08.2020.godine i broj: 05-19-5-2274/20 od 27.08.2020.godine.

##### **Član 2.**

Komunalno javno društvo Maglaj će upravljati izgrađenim objektom dijela primarne vodovodne mreže za dio naselja Misurići, Općina Maglaj, za vodosnabdijevanje dijela naselja Misurići sa priključkom na gradsku vodovodnu mrežu i to na potezu od vodovodnog okna VO3 do VO10, u dužini od 425,0 metara i na potezu od vodovodnog okna VO10 do VO28 ,u dužini od 754,0 metara.

##### **Član 3.**

Uslovi oko upravljanja izgrađenim objektom dijela primarne vodovodne mreže za dio naselja Misurići općina Maglaj, definisani su odredbama Odluke o vodovodu i kanalizaciji „Službene novine Općine Maglaj“ broj 09/03).

##### **Član 4.**

Ova Odluka stupa na snagu danom donošenja i ima se objaviti u Službenim novinama općine Maglaj.

Broj:

Datum:

2020.godine

Predsjedavajuća OV

Svjetlana Zamboni

## Obrazloženje

Pravni osnov za donošenje ove Odluke je član 8. stav 4. Zakona o komunalnim djelatnostima (Službene novine Zeničko-dobojskog kantona“ broj 17/08), kojim je utvrđeno da „Izuzetno snabdijevanje pitkom vodom stanovništva mogu se baviti samo javna preduzeća“, a u vezi sa članom 3. stav 1. tačka a) kojim je regulasano šta se podrazumjeva pod komunalnom djelatnosti, te da je to između ostalog „snabdijevanje pitkom vodom“ i član 6. kojim je određeno da “Općina obezbjeđuje obavljanje komunalnih djelatnosti određenih ovim zakonom“.


Općina Maglaj je obezbjedila finansijska sredstva i izgradila dio primarne vodovodne mreže za dio naselja Misurići sa priključkom na gradsku vodovodnu mrežu i to na potezu od vodovodnog okna VO3 do VO10 u dužini od 425,0 metara i na potezu od vodovodnog okna VO10 do VO28, u dužini od 754,0 metara.

Nakon završetka radova izvršen je tehnički pregled izvedenih radova i izdate su upotrebne dozvole za primarnu vodovodnu mrežu za vodosnabdijevanje dijela naselja Misurići, Općina Maglaj, sa priključkom na gradsku vodovodnu mrežu na potezu od vodovodnog okna VO3 do VO10, u dužini od 425,0 metara broj:05-23-5-1435/19 od 26.08.2020.godine i upotrebna dozvola za primarnu vodovodnu mrežu za vodosnabdijevanje dijela naselja Misurići, Općina Maglaj, sa priključkom na gradsku vodovodnu mrežu na potezu od vodovodnog okna VO10 do VO28, u dužini od 754,0 metara broj: 05-19-5-2274/20 od 27.08.2020.godine

Zbog gore navedenog Služba je pripremila prijedlog Odluke i predlaže Općinskom vijeću da usvoji Prijedlog Odluke o upravljanju izgrađenim objektom dijela primarne vodovodne mreže za vodosnabdijevanje dijela naselja Misurići, Općina maglaj, Komunalnom javnom društvu Maglaj.


Obrađivač:

Saračević Jasminka, dipl.pravnik



Kontrolor

Čatić Nedžad, dipl.ing.geodezije



Predlagач

Načelnik općine

Mirsad Mahmutagić

